



15. februar 2007

Inatsisartut Suleriaasissaanni § 36 imm. 1 naapertorlugu apeqqut una Naalackersuisunut apeqqutigaara:

Naalackersuisunut apeqqut Namminersornerullutik Oqartussat nalunaarutaat nr. 33 18. december 2006-imeersoq Avataasiorluni aalisarnermik nakkutilliinermut tunngasoq pillugu.

(Inatsisartuni ilaasortaq Jens B. Frederiksen, Demokraatit)

Pissutigisaq:

Aalisarnermut, Piniarnermut Nunalerinermullu ataatsimiititaliap Aalisarnermut, Piniarnermut Nunalerinermullu Naalackersuisumut allakkiaani 25. januar 2007-imeersumi ataatsimiititaliap kissaatigisimavaa Namminersornerullutik Oqartussat nalunaarutaat nr. 33 18. december 2006-imeersoq avataasiorluni aalisarnermik nakkutilliinermut tunngasoq tunuartinneqassasoq makku tunngavilersuutigalugit:

“Nalunngisattut suliap annertunerusumik paasisaqarfiginissaa siunertaralugu avataasiorluni aalisarnermik nakkutilliineq pillugu nalunaarutip nr. 9-p, 15. april 1996-imeersup oqaasertaasa uterteqqinneqarnerat aalisarnerup aalisagaqassutsimut nungusaataalersinnaanerata aarleqqutigineqarsinnaaneraniq nassataqassanersoq pillugu paasissutissanik Pinngortitaleriffik ataatsimiititaliamit piniafigineqarsimavoq. Taamaattoqassanngitsoq Pinngortitaleriffimmit paasissutissiisutigineqarpoq.

Nakkutilliineq pillugu nalunaarummut tunngasumik paasissutissat saqqummersut tupaallannartutut ataatsimiititaliamit isigineqarput, tamatumani tunisassiorfinnut aningaasatigut aammalu nunami tunisassiorfinni suliffinnut kinguneqaatissat eqqarsaatigineqarlutik. Taamatuttaaq Aasianni raajanik tunisassiorfimmik pilersitsinissamik suliniutip piviusunnortinneqannginnissaniq paatsuugassaannngitsumik oqariartuutigineqartut isumaliutigeqqissaarneqartariaqartut ataatsimiititaliaq isumaqarpoq.

Suliamut tunngatillugu paasissutissat ataatsimiititaliamut saqqummiunneqartut nalilersoreerlugit nalunaarutip maannatut iluseqartup tunuartinneqarnissaniq aammalu nalunaarummi § 10, imm. 8-p peerneqarluni Avataasiorluni aalisarnermik nakkutilliineq pillugu Namminersornerullutik Oqartussat nalunaarutaanni nr. 9-mi, 15. april 1996-imeersumi oqaasertanik taarserneqarnissaniq isumaginneqqullutit Naalackersuisoqarfimmut Naalackersuisutut akisussaasutut ataatsimiititaliamit qinnuigineqarputit.”

Illoqarfinni raajaleriffiutilinni suliffissaqartitsineq eqqarsaatigalugu aammalu Aasianni raajaleriffiup ammaqpinneqarnissaa eqqarsaatigalugu suliaq manna ima nukingernartigisutut isigigakku inussiarnersumik apeqqut una akeqqullugu qinnuvigissavassi:

- **Naalackersuisut Aalisarnermut, Piniarnermut Nunalerinermullu ataatsimiititaliap kissaataa akuerinialersarnerlugu?**

Taamaangippat tunngavilersuut sukumiisoq kissaatiginartinneqarpoq.



DEMOKRAATIT
DEMOKRATERNE

Akissut inussiarnersumik nassiateqquneqarpoq ullumimiit ullut suliffiusut 10 qaangiutsinnagit.